



COLLECTIO

IN REGIIS SCHOLIS

THESIUM





COLLECTIO

THESIUM

I



MS 2342.

(Ancienne suite : 489)

COLLECTIO

THESIUM QUÆ

IN REGIIS SCHOLIS

CHIRURGORUM

HABITÆ FUERUNT

AB ANNO 1749


USQUE AD ANNUM

1763



I 749







D. O. M.
POSITIONES ANATOMICÆ
ET
CHIRURGICÆ.

EX ANATOMIA.



NATOMIA corporis humani partium, figuram, situm, connexiones, actionem & usum investigat. Structuræ partium cognitio accurata, & qualis Chirurgum decet, cadaverum dissectione acquirenda. In nudâ & simplici partium contemplatione Chirurgus conquiescet nullam: cum enim affectus partis indicia ex actione læsâ, tanquam fonte præcipuo, hauriantur; partium actiones rimari debet, ut affectus quibus contra naturam sunt obnoxii facilius agnoscat.

INTER varias corporis humani divisiones, quæ illud in

A

2.
truncum & artus partitur, hæc præ cæteris laudatur & præfertur. Trunci tres sunt partes, siue principales regiones, caput, thorax, & infimus venter. De vulneribus capitis acturus, partes tantum quæ ad ea cognoscenda & curanda prorsus sunt necessariae, perlustrandas habeo.

SUPERIOR corporis regio quæ vertice & primâ vertebrâ circumscribitur, latiore & communi acceptione Caput appellatur. In duas partes, unam capillatam & alteram glabram, quæ facies est, dividitur. Striçtiori sensu, caput ab *Hippocrate* propugnaculum ac domicilium cerebri dicitur; à *Celfo*, quæ sola pars capillis tecta est, capitis nomine insignitur.

CAPITIS partes aliæ sunt externæ, aliæ internæ, siue continentes & contentæ. Continentium prima occurrit, crassiori cooperta epidermide cutis pilosa: huic antrorsum, frontales; à tergo, occipitales; ut ab iis moveatur: & à lateribus, temporales subjacent musculi.

CRANIUM octo ossibus, per futuras, seu pectinatim aut more dentatæ ferræ commissis, componitur. Sutarum situm operæ pretium est perfectè cognoscere; futuras enim in capitis læsione erroris sibi ansam fuisse, ipse fatetur *Hippocrates*.

GNARIS minùs, aut minùs intentis fucum facere possunt quæ inter cranii futuras collocata quandoque reperiuntur officula; quæve Wormiana, à Wormio, qui primus eorum observator à quibusdam perhibetur, sunt denominata.

PLURIMA de futurarum usibus, ab antiquioribus rei Anatomica peritis, excogitata sunt. Cerebrum expurgatione indigere, & futuras cerebri fuliginum liberæ transpirationi inservire; experienciâ (ut ipsi credebant) annuente, asseverare non dubitarunt. Faciliorem quidem, inter cætera, fieri foetus educationem, à membranosa in locis futurarum connexione, constat; unde infantibus prodesse cranii futuras, eodem modo quo & aliis ossibus epiphyses, rationi & experienciæ consona videtur opinio.

Os s A cranii, tabellâ duplici donata, intùs & extrinsecùs membranâ immediatè succinguntur: ab unâquâquè vasa prosi-

3
Iiunt, quæ intra geminas cranii laminas sese insinuant, medull-
lium interjectum, seu diploën, ad cranii nutritionem irriga-
tura. Membrana calvariam osseam exterius vestiens, pericra-
nium dicitur; quæ verò substernitur, dura mater, seu dura-
meninx nuncupatur.

DE intimâ pericranii calvaria adhæsione inter omnes constat;
an verò adhæreat cranio dura mater, controversatur. Neque,
quantumvis hæcce lis facili negotio dirimenda videatur, alia est,
pugnantium sententiarum varietate, intricatior quæstio.

QUI motum cerebri non imparem pulmonum actioni, ab
aëris dilatantis ingressu, resomniarunt neoterici; duram
matrem numerosissimis esse conflatam musculis, inconsultâ na-
turâ, asserunt.

FIRMISSIME, in statu naturâli, omnibus & singulis alli-
gatur cranii punctis dura mater (a): ac proinde cujuscumque
motus incapax. Ab ampliore ossium cranii aperturâ, in detectâ
durâ matre qui videtur motus, non ab ipsius membranæ struc-
turâ; nec quod multis probabile, ab arteriarum, quibus
refertur, motu repetendus; sed ipsius massæ cerebri, ab arte-
riarum majorum pulsatione, alternatim elevatae ac depressæ, non
immeritò adscribetur.


DUPLEX tunicâ arctiori nexu compactâ, dura meninx
componitur: altera externa ossibus calvaria contigua; altera in-
terna candidior, aqueo humore tenuissimo oblita, variis in locis
reduplicatur; ut cerebri dextram partem à sinistra, cerebrum à
cerebello sejungat, & multiplices sinus, seu rivos venarum vi-
carios, efformet.

DESECTA detractâque crassiori membranâ, conspicua
est pia mater seu pia meninx: hæc proprium est & immedia-
tum cerebri velamen. Exteriorem ejus non modò tegit super-
ficiem, sed in penitiores ejus pervadit recessus. Cum eâ feruntur

(a) Quod quidem, Libro naturæ, cadaveris capite, aperto; Regiæ
Scientiarum Academiæ Anatomicis, contrarium ex scriptorum aucto-
ritate tenentibus, exposuit Dominus MERY, dum viveret, è Regiâ
Scientiarum Academiâ, Chirurgiæ Magister Parisiensis & in Domo-Dei
primarius.

arteriolæ cerebri substantiam permeantes.

CEREBRUM, viscus nobilissimum, sedem animæ, (a) nervorum principium, & omnium corporis functionum primarium esse mobile, nemo non novit. Hic mirabilem ejus structuram, cavitates, protuberantias, concamerata atria, plexus labyrinthicos, (b) helices &c. utpotè quæ minùs quoad usum & actionem sint cognita, & quæ minimè ad propositum nostrum ducant, non contemlabimur.



EX CHIRURGIA.

CAPITIS vulnere Ætiologia difficilis: hujus enim partis percussionum adeò dispares eventus observantur, ut earum quæ graviores appareant, facili negotio interdum sanentur; quæ verò videantur leviores, lethales fiant.

CUTIS cranii levissima sunt vulnera: muscoli verò crotaphitis & pericranii læsiones, si minus rectè tractentur, graviores, easdem & lethalia subsequi solent symptomata.

CRANII solutæ unionis causa triplex distinguitur; incisio perforatio, contusio.

A causâ obtusâ frangente & contundente solutæ continuitati in capite, diversa à Græcis & Arabibus data sunt nomina; sed cum indicationibus & curationi nihil omninò conferant, has denominationes viderint otiosi verborum indagatores. (c)

CERTUM & frequenti experienciâ, licet non constanti Chirurgiæ scriptorum omnium consensu, dari contrassuras,

(a) Vid. Dissert. à legendo D. de la Peyronie, Chirurgo Regis Primæ in actis Regiæ Scientiarum Acad. ann. 1742.

(b) De quibus nova scripsit in Actis Regiæ Scient. Acad. ann. 1744. hujusce Actûs Clarissimus Præses.

(c) His nominibus frustra memoriam gravantibus, in Tractatu suo de Vulneribus Capitis rectè abstinnit, M. Rouhault VICTORIS AMEDEI Regis Siciliæ consiliarius & Chirurgus, Chirurgiæ in Universitate Taurinensi professor, in Chirurgiâ Magister Parisiensis, è Regiâ Scientiarum Academia; qui, quondam Nosocomii Dicti la Salpêtrière per sexennium, obtinendi Magisterii causâ, fuerat Chirurgus primarius.

§

Item, fracturas à percussâ cranii parte, in locum non percussum.

CONTRAFISSURARUM tres esse species docent exercitatorum, (quibus maximè in Scientiâ Practicâ confidendum) observationes. Fiunt enim contrafissuræ ; 1^o. Tabulæ ossis internæ à percussâ exteriorē non fissâ : 2^o. Binæ quandoquē ossis lamellæ in parte quæ percussæ vicina est ; 3^o. Utriusque etiam non rarò laminæ, in eâ cranii parte quæ percussæ ex diametro opposita est.

LÆSIONUM capitis signa, alia fracturam cranii tantum, aliqua læsionem cerebri, quædam materiam cerebrum vel meninges gravantem, indicant.

CRANII fracti signa, alia sunt præsumptiva, alia sensibus obvia. Præsumptiva, minùs ab accidentibus, quàm à corporis lædentis naturâ, pondere, duritie, & à percutientis viribus, desumuntur. Signa verò vera, tactu, vel visu, vel utroquē manifestantur.

JUDICATU minùs facilis cranii rima capillaris : ejus tamen dantur signa ; inter quæ, efficax & indubitatum, post appositionem atramenti, ope scalpri, rimæ rasura.

FRACTÆ ossis tabulæ interioris, illæssâ exteriorē, signa judicio solùm præsumptivo notanda veniunt : & licet nulla sint hujusce fracturæ signa quæ sensibus occurrant, certum est tamen ab accidentibus peritum sufficienter moneri Chirurgum ; ut quandoque possit æger salvus fieri, si auxilia Artis, ritè, idoneoquē tempore, adhibeantur.

UT fractura cranii, quæ sine læsione cutis est, dignoscatur ; emplastra è cerâ, thure, ladano, terebinthinâ, aceto, farinâ fabarum, capiti admovenda ; & in fracti cranii loco, si quis sit, exsiccari, asserit *Bertapalia*. Ab hac, vel aliâ ejusdem virtutis Medicinâ, saniei fracturam indicaturæ collectionem fieri posse, experimentis mihi fuit comprobatum.

SI statim à percussione ingruat sopor lethargicus, quem febris, oculorum & faciei rubedo, &c. proximè comitentur, cerebrum commotum demonstratur. Subsequente verò sopore

lethargico, quem dolores capitis, somnolentia, vomitus, rigores præsertim & horrores præcefferunt; manifestò indicatur meningis vel cerebrum à quâcumque materiâ lædi.

COMMOTIONI cerebri ab accidentibus primitivis designata, paucissimâ victus ratione, frequentioribusque sanguinis missionibus succurritur. Supervenientia verò accidentia, cranii per trepanationem citius instituendâ perforatione, (nisi à pericranii inflammatione oriantur) emendanda.

FRACTURA cranii, etiamsi nulla sint accidentia, non solum causa, sed & signum trepanationem indicans, habeatur. Huic doctrinæ experientiam suffragari videre est in Actis Regiæ Chirurgorum Academiæ. Adversantium dicteria, (a) sanæ praxi minimè consona, rationibus imò posse infirmari, teneo.

TREPANATIONEM absque periculo multiplicari testantur, de ossibus plenè nec non feliciter exemptis, observationes. Multiplicandæ autem trepanationis ratio, non semper ab extensione fracturarum, nec à materiæ per trepanationem vacuandæ foco remotiore, videtur repetenda. Crebra verò instituenda semper in ossibus pericranio simul & durâ matre valdè nudatis.

DETERGENDIS cerebri vulneribus, ratione materiæ educendæ, diversa conveniunt remedia. Tenaces & glutinosæ fordes, usu mellis rosati cum spiritu vini apprimè eliquantur. Sordium redundantem egestum, speciem dissolutæ & quasi putrefactæ substantiæ cerebri præ seferentem, augeri ab applicatione spiritûs vini, & oleis essentialibus balsamicis coerceri docent Illustrissimi Domini DE LA PEYRONIE experimenta. (b)

IN ossis trepanati curâ, laminæ plumbeæ ad duram matrem vel cerebrum intumescens reprimendum à Bellostio accommodatæ, usus videtur improbandus.

(a) In libro maledicè scripto cui titulus, *Remarques sur les Mémoires de l'Académie Royale de Chirurgie.*

(b) Vid. Dissert. de Vulnere cerebri à Domino Quesnay in Actis Reg. Chir. Acad.

7

Has positiones, DEO JUVANTE, & Praside M. SALVATORE MORAND Artium & Chirurgia Magistro, è Regiis Scientiarum Parisiensi & Londinenfi Academiis &c. Regio Librorum Censore, Militarium Nosocomiorum Inspectore Generali, Regia Chirurg. Academ. olim Secretario & Directore, tueri conabitur
ANTONIUS LOUIS, Metensis, Artium Magister Mussi-Pontanus, Regia Chir. Acad. Socius, & Nosocomii Generalis Parisiensis, in domo dictâ LA SALPESTRIERE, Chirurgus Præcipuus.

de mets

P A R I S I I S, .

IN REGIIS CHIRURGORUM SCHOLIS.

Die Jovis 25^a Septembris à sesqui secundâ post meridiem ad septimam. Anno Domini 1749.

P R O A C T U P U B L I C O

E T

S O L E M N I C O O P T A T I O N E .

Typis DELAGUETTE Regia Chirurg. Academiæ
Typographi 1749.

THE
OFFICE OF THE
SECRETARY OF THE
NAVY
WASHINGTON
D. C.
1880

IN REPLY TO A RESOLUTION
PASSED BY THE SENATE
MAY 11, 1880

BY THE SENATE
MAY 11, 1880

PRO ACTU PUBLICO

GOVERNMENT OF THE UNITED STATES

Printed by the Government Printing Office
Washington, D. C.